

UMNIKELO WANSUKU ZONKE

UGWALO 4

ULWEZI
2020

indaba Ezimnandi

NSUKU ZONKE

LIZIPHIWAMAHALA
KAZITHENGISWA
INDABA EZIMNANDI LEZI
ZABHADHALELWA
NGABANGANI BETHU,
ZIPHIWA EBANTWINI
MAHALA,
KAZITHENGISWA.

UMBIKO OMUHLE OVELA ELIZWENI ELIKATSHANA UNJENGAMANZI AQANDAYO EMPHEFULWENI ODINIWEYO (IZAGA 25:25)

Uebert & BeBe
ANGEL



SPIRIT EMBASSY
TheGoodNewsChurch[®]

WITH UEBERT AND BEBE ANGEL

WWW.UEBERTANGEL.ORG | WWW.GOODNEWSWORLD.COM



UEBERT & BEBE ANGEL

Uuebert loBebe Angel ngabatshumayeli belizwi likaNkulunkulu abayibo abaqalisa ukusebenzisa isiprofethi njengendlela yokutshumayela ngayo ilizwi leli, emhlabeni jikelele. Ngabatshumayeli abalodhmo abalombono njalo abathandekileyo ngenxa yokuzinikela kwabo ekutshumayeleni ilizwi likaNkulunkulu. Phakathi kwabo sebelobe ingwalo zesiKristu ezithengwayo kakhulu ezibalisa elithiwa Good News, Intimacy, Prayer Banks, Supernatural Power of The Believer, lamanye. Yibo abaqalisa ibandla leGood News (Spirit Embassy) abalikhokhelayo njalo sebeleminyaka eminengi betshumayela ilizwi likaNkulunkulu emazweni amanengi. Indlela abatshumayela ngayo ilizwi likaNkulunkulu leli, yenza ukuthi bahlale bebizwa emihlanganweni engenwa zinkulungwane ezinengi zabantu emazweni atshiyeneyo, laphabavheza khona amandla lezimanga zikaNkulunkulu, osokwenze ukuthi baphendule inhliziyo zabantu abanengi ukuthi babengamakholwa. Indlela abafundisa ngayo ngokwendaba ezinhle zomusa kaNkulunkulu lo (Good News) ibizwa ithiwa yiEvangelion.

**UJohane 15:5**

Mina ngili vhini, lina lizingatsha, lowo ohlala kimi, nguye lami ngihlalakuye, yena uyathela izithelo ezinengi, ngoba ngaphandle wami lingenze lutho

Kulizwi lethu elanamhla Inkosi yethu uJesu, uyasifundisa ngokwendlela esingayisebenzisa ukuthi sibe lezithelo ezibambekayo empilweni zethu. Uthi yena ulivhini, thina sizingatsha, njalo singaqubekela phambili sibambelele kuye, sizakuba lezithelo kuphela. Udhumo kaluye uNkulunkulu. Sesamanyaniswa loJesu, ngakhoke sizaphumelela kuphela kukho konke esikwenzayo. Nxa sizingatsha zika Jesu, okumele sikwenze kuphela yikuqubekela phambili sikuye, ivhini lethu. Kulebala lesiGriki elichaza ukuhlala usendaweni eyodwa unganyikinyeki elithiwa "meno". Uyakubona yini lokhu? Kodwa ukuthi kwenzakale kumele wenzeni?

Kumele ugcwalise ingqondo zakho lompefumlo wakho lelizwi lomusa kaNkulunkulu nsuku zonke. Njengoba sowemukela uJesu ukuthi abe yinkosi yempilo yakho, ukuye yena ekuwe, njalo usulilunga labathandekileyo bakaNkulunkulu.

Okungenziwa nguSatani yikuzama ukukususa evhinini, njalo wenza lokhu ngokukukhumbuza ngokwenhlupho zakho, ubuyanga bakho kumbe ukugula oyabe ukwenza. Ungakulandeli lokho kodwa qubekela phambili ukhangela amalungelo akho njengomnthwana kaNkulunkulu. Ungakhohlwa ukuthi ilizwi lika Nkulunkulu lithini ngawe. Hlalu bala lokucabanga ngokwelizwi lika Nkulunkulu, ufakaze.

AMAZWI ESIPROFETHI

UJesu ulivhini mina ngilugatsha. Ngihlala kuye ngakhoke ngibalezithelo sikhathi sonke. Ngihlala kunotho kaNkulunkulu, ngikholisa, ngilempilakahle enhle.

AMAVHESI OKUBALA

2 Kwabase Korinte 5:21; Kwabase Efesu 2:6

**Genesi 39:2**

INKosi yayilo Josefa, waba ngumuntu ophumelelayo, wayehlala endlini yenkosi yakhe umGibhite

Lobanje uJosefa walahlwa ngabafowabo, amthengisayo njengesigqili ngifuna ukuthi nanzelele ukuthi isigqili lesi sasebenza endlini kaPotifa omunye wenkokheli zeGibhite. Ilizwi lethu namhla lisitshengisa ukuthi uJosefa waqubekela phambili ethuthuka, ephumelela empilweni. Lokhu kutshoni na kithi? Kanti isigqili saqhubekela njani phambili sithuthukiswa, kuyini okwekusenzakala? Kukhona okuselizweni lika Nkulunkulu okwabangela ukuthi into enje iqubekela phambili isenzakala empilweni kaJosefa, ngoba sizwa ilizwi lisithi "INKosi yayilo Josefa" okutsho ukuthi ukuba khona kukaNkulunkulu empilweni kaJosefa yikho okwabangela ukuthi athuthukiswe. Kutshengisa njalo

lo ukuthi ukuthuthukiswa komunthu kakusuki kuzenzo zakho kodwa kusuka enhlizweni yakho. Ilizwi lethu lile bala elithiwa tsalach ngesiHeberu elichaza ukuqubekela phambili uthuthukiswa empilweni uphumelela kukho konke okwenzayo. Okutsho ukuthi uJosefa kazange athuthukiswe kuphela kodwa waesenza lemisebenzi eyaiphumelela, iletha inotho lobanje waeyisigqili, waqanjelwa amanga wahanjiswa entholongweni, ngoba uNkulunkulu waelaye.

Namhla ngifina ukuthi ube kwazi ukuthi uNkulunkulu owaelo Josefa, ulawe, lawe. Uhlala phakathi kwakho njalo nguye owakupha impilo engapheliyo. Kakunani ukuthi uyini kumbe ukuthi wenzani empilweni yakho, kumele uthuthukiswe uphumelele empilweni, usenza izinto ezibonakalayo.

AMAZWI ESIPROFETHI

UNkulunkulu uhlala phakathi kwami. Ngiyisinothi njalo nguyaphumelela kukho konke engikwenzayo . Nguyambongu Nkulunkulu ngoMoya Ongcwele ongikhokhelayo, engitshela ookwenza empilweni. Kangisoze ngehluleke ngegama likaJesu.

AMAVHESI OKUBALA

UJohane 14:26; AmaHeberu 13:5

**ULuka 24:49**

Khangelani, ngiyathumela kini isithembiso sika baba, kodwa hlalani emzini, lize lambathiswe amandla awaphezulu

Inkosi yethu uJesu engakabethelwa esiphambanweni wathembisa abafundi bakhe, kanye lamanye amakhohla ukuthi abantu laba babezakwenza imisebenzi emikhulu ukwedlula eyayenzwe nguJesu emhlabeni (UJohane14:12). UNkulunkulu wazathumela umoyawakhe Ongcwele ukuthi abuye ahlale kithi ukwenzela ukuthi senelise ukwenza izimanga lezibonakaliso. Inkosi yethu uJesu wathembisa ukwenza lokhu ngoba uthi, "Ngizakucela kubaba aliphe omunye Umsizi, umdhudhuzi, umlayeli, ummeli, iqgweta, ukuthi abe lani kuze kube lanini" (UJohane14:16).

Ngenxa kaMoya Ongcwele ohlala phakathi kwakho kakula ozakwehluleka ukukuthola empilweni yakho Ku2kwabaseKorinte 4:7 kuthiwa," Kodwa silayo linotho ezitsheni zebumba, ukuze ubukhulu bamandla amakhulu bube ngobuka Nkulunkulu bungabi ngobethu." Ulamandla phakathi kwakho asuka ezulwini ayenza ukuthi unqobe sikhathi sonke. Uyakhwanisa ukwenza konke ngoNkulunkulu okupha amandla. Nguye okupha amandla okubangele ukuthi ezinye izinto zenzakale empilweni yakho. Unganzelela uzabona ukuthi uNkulunkulu ukupha amandla okwenza izinto ezingazake zenzakale. Ungacwayisisa ilizwi lethu lanamhla, uzathola njalo ukuthi uNkulunkulu waesazi ukuthi sasingazoze senelise ukuqhuba umsebenzi asipha wona, ngayikuthi sisebenzisa amandla ethu odwa singela Moya Ongcwele. Makadhunyiswe uNkulunkulu lo, ngoba nguye osipha amandla avhela ezulwini ayenza ukuthi senelise ukwenza izimanga kuwonalumhlaba. Haleluyah!

AMAZWI ESIPROFETHI

UMoya Ongcwele seyenze ukuthi ngibe likholwa elilezithelo zakhe ngoba ukuba khona kobukhosi basezulwini bukhanya ngenxa kkamoya ongcwele ophaathi wami

AMAVHESI OKUBALA : Imisebenzi 1:8

**Imisebenzi 9:34**

UPetro wathi kuye Eneya, uJesu Kristu uyakusilisa, vuka wendlule icansi lakho; Wasevuka masinyane.

Khangelubone ukuthi evhesini leli, UPetro azange atshone efakizandla zakhe phezulu kukaEneya ukuthi apoliswe hatshi. Kungenxa yokuthi uEneya waevhele epoliswiwe, ethwele igcobo lokupoliswa phakathi kwakhe, emzimbeni wakhe. Owenziwa ngumApostoli uPetro kuphela yikuvhuselela uholwa kuaEneya. Kumele uzwisise ukuthi uEneya waevhele elikholwa, egcwele ngomoya ongcwele, ekhuluma ngendimi Okwasokusele lulwi louthi enzeni ukuthi amandla aesemzimbeni wakhe awokuthi apole avhuswe ngomunye umuntu, ngokukhuluma ilizwi lika Nkulunkulu kuye.

Ngifunokutshela namhla ukuthi udhubo lolu olalo namhla, kungabe kusemhulini yakho, kubhizimusi laho kumbe emendweni wakho, lufui lilizwi lika Nkulunkulu kuphela ukuthi luphele, njalo ngithi Pola iNkosi uJesu akuthuthukise apollise umzimba wakho. Isifo lesa sesikutshiya ngegama likaJesu.

AMAZWI ESIPROFETHI

Ukupola lilungelo lami ngegama lika Jesu ngenxa yalohu okukhulunye ngumprofethi phezu kwempilo yami, igcobo lakhe selisebenza kimi hathesi. Sengipoliswiwe mina ngegama lika Jesu

AMAVHESI OKUBALA

1 UJohane 2:27



KwabaseKolose 2:10 Liphelelisiwe kuye; Uyinhloko yokubusa konke lamandla

Ngicela ukukubuza ukuthi nxa uzikhangela wena ubonani? Umuntu omfitshane yini, omudhe yini, oca-kileyo yini, kumbe oqhatha, omubi? Uyabona, nxa umuntu ekhangela omunye umuntu, ukhangela isimo sakhe esenyama, kodwa uNkulunkulu ubona umoya womuntu. Unkulunkulu ukubona uphelele kuKristu lobanje wena uzikhangela ubona isimo esibi. UNkulunkulu ukubona njengesidhalwa esitshaa, undawonye laye ekulungeni, lokuphila impilo yasezulwini. Ubona inqobi eyanqoba ezinye. Njalo lokhu yikho okumele uhlale ukufakaza nsuku zonke phezu kwempilo yakho. Kusukela namhla, zibone njengalokhu obonwa nguJesu uyikho khona, umuntu ophel-

leyo kuye. Ungameleli ukuthi utshelwe ukuthi ubusisiwe, wena ungazibusisanga. Yazi ukuthi okucabangayo ukuthi kaulakho empilweni yakho, kungabe bubuntu bukaNkulunkulu, impilakahle enhle, ukuthula emhulini yakho, kumbe ukukhululwa kundaba zemali, ulakho kuKristu. Kaisikho ukuthi izinto lezi uzathi suziphiwa hatshi, ulazo! Yikho usizwa uJohane esithi, "yazi ukuthi singamadhodhana kaNkulunkulu" (1 UJohane 3:2). Kasimeleli ukuthi sipiwe ilungelo leli hatshi, sesalithola kudhala. INkosi yethu uJesu nguye ukuthethelelwa kwakho, nguye ukulunga kwakho, ukuthuthukiswa kwakho, nguye ukulondolozwa kwakho njalo okupheleleyo.

AMAZWI ESIPROFETHI

UJehovha nguye amandla ami, lengoma yami, nguye njalo uupoliswa kwami. Mina ngiphelele kuKristu, akula lutho engingelalo, njalo kakuho okwabhujiwayo kimi.

AMAVHESI OKUBALA

2 UPetro 1:4; Joweli 3:10



3 UJohane 1:2

Sithandwa ngikufisela ouhle Kanye lokuphila ngiyazi ukuba umphefumlo wakho umi kuhle.

Abantwana baka Nkulunkulu abanengi bacabanga ukuthui ukuba ngumyanga yisitshengiselo sokubalikholwa bengakwazi ukuthi kuphambana lenthando aNkulunkulu phezu kwempilo zabo. Kusakela namhla, ngifuna ukuthi ube kwazi ukuthi uuba ngumyanga kakufunwa nguNkulunkulu, kaukho kulokhu aqoqela numuntu emhlabeni. Uzwa uJngokwahe esithi ngabuya ukuzakunika impilo wokuphuphumayo. Nguyakuthembisa mzalwane ukuthi impilo eyalethwa nguJesu kuwonalumhlaba kailabuyanga. Izifo lemikhuhlane. Uyabobna uDhavhidhi ese sambulelwe iqhiniso ngoNkulunkulu wathi "UJehovha ungumalusi wami kangiyi kuswela". Okutsho ukuthi nxa

uNkulunkulu elami kuphela kangisoze ngiswele inxe yiluphi ulutho engilufunayo empilweni yami. Bathandekayo, selingabantwana bakaNkulunkulu njengalokhu wohlani lazi ukuthi selilamalungelo okuthola inotho louthi imali sihlala ibuya ini engazathi idhonswa yi magneti. Kuyabe kuyiuphambaniseka kwezinto ukuthi uhlale ungunyanga. Wena walungiselelwa ukuphumelela empilweni ;lokuthi ube lemali enengi okumangalisayo. Lunghiselela ukuphila njengesinothi kusukela namhla.

AMAZWI ESIPROFETHI

Kusukela namhlai, ukuhlala kuhle lilungelo lami ngegama lika Jesu. Ngiphiwe umusa wokuthola ngawo inotho, njalo kakula dhimoni elilodwa kuwonalumhlaba loba eHedhesi elizangiphambanisa. Angisoze ngiswele imali nsuku zonke ngegama likaJesu

AMAVHESI OKUBALA

2 KwabaseKorinte 8:9

**Izaga 4:23**

Phezu kwaho onke gcina inhliziyu yaho ngoba kuvhela kuyo ukuphila. Nqanda umlomo wakho emazwini amabi lendebe zakho ekukhulumeni okukhohlisayo.

Ungavhumela amazwi amabi lengqondo ezimbi ukuthi kuhlale kusenhlizweni yakho, kufana lemvukuzane ebhidlizayo konke okuhle owake wakuthola ngokukholwa kwakho.

Ulomsebenzi oqhaatheileyo owokuqhaphela okungenayo ehlizweni yakho. Ilizwi lethu namhla lisitshela ukuthi silondoloze inhliziyu zethu okutsho ukuthi wena ulomsebenzi wokubonma ngokungenayo enhlizyweni yakho. Amazwi amahle aletha inthokozi, njalo aletha ukuhlaliseka emoyeni. Amazwi amabi aletha ukwesaba lokungahlaliseki. Ungakhetha ukuca-

banga ngokwendaba ezimnandi zomusa kaNkulunkulu uyabe uzikhethele indlela enhle eyokuphila ngayo.

Kumele ufike esigabeni esokukhetha ukuthi ilizwi likabani okholwa kulo. Ilizwi elilendaba ezimnandi zikaNkulunkulu lilamandla okuguqula konke ousempilweni yakho, ukuze kuhambelane lenthando kaNkulunkulu phezu kwakho. Njengoba ubala ugwalo lolu khathesi kulegcobo elibuyayo kuwe khathesi elikuthuthukisayo empilweni yakho, likusa endaweni laphozaphumelela khona kiyo, njalo uthola amandla kaNkulunkulu okupholiswa emzimbeni wakho

AMAZWI ESIPROFETHI

Ngilokuthula phakathi kwami okungazwisisekiyo ngoba ingqondo zami lomphfumlo, kucabanga ngalokhu engikwenzelwe khona nguNkulunkulu, njalo ngiyinqobi ngegama lika Jesu Kristu.

AMAVHESI OKUBALA

Ulsaya 53:1; KwabaseFiliphi 4:7

**Izaga 10:22****Ukubusisa jwenkosi kuyanothisa kayengezi usisi kukho**

Wena, UNkulunkulu wethu umkhulu okumangalisayo! Ukhumbule ukuthi okukhulunywayo kulizwi lethu lanamhla lalokhu elisifundisa khona kuqakathekile kakhulu. Ilizwi lithi ukubusisa kweNkosi yikho okunothisayo. Aaah lapha kulaphengibizela khona ukuthi, Halleluyah phela lapha! Ucabange ukuthi ulamandla wena, owaaphiwayo nguNkulunkulu okuthi unotha. Kayisikho kodwa lokhu, uyengezelela ukuthi isibusiso sakhe kasilethi nkathazo. Kufana lokunatha ipilisi elikupholisayo lingasoze likugulise futhi. Yikulunga kwezinto kuphela okuyabe sokusenzakala uwe nxa usulesibusiso sika Nkulunkulu. Uyakhwanisa ukuba lebhizimusi lakho uzisebenzela ubusuhlangana lomuntu alento yonke oyidhingayo ukuthi uphumelele.

Ukuze ibhizimusi lakho likhule liphumelele. Yiso isibusiso esikhulu esivhela kuNkulunkulu engikhuluma ngaso lesi. Kasikufaka endaweni efaneleyo ngesikhathi esifaneleyo, senze ukhethwe uphakathi kwabanye abantu utshyaniswe labo ube phezu kwabo.

Ngithandazela ukuthi iminyango yakho eyemali yande kusukela namhlai. Konke okwenzayo kuphumelele kukulethele inthuthuko lenotho. Ulezinto ezinkulu olazo ezifunwa lilizwe lonke. Qubekela phambili ngokunotha!

AMAZWI ESIPROFETHI

Ngiyathuthukiswa lokuphiwa amandla yisibusiso engasipiwa nguJehovha empilweni yami. Imali ihlala ibuya kimi njalo inengi akakhulu. Inotho lilifa lami ngegama liaJesu.

AMAVHESI OKUBALA

3 UJohane 1:2

**AmaHeberu 8:10**

.....Ngizaba nguNkulunkulu wabo bazakuba ngabantu bami

Nxa uNkulunkulu wathi yena uzakuba nguNkulunkulu wakho, waesitsho ukuthi uzakuba nguNkulunkulu wakho okweqiniso, esenza izimanga empilweni yakho, kubonakale ukuthi kule sandla sakhe empilweni yakho. Ngakhoke nxa ufuna izimangaliso uyazithola. Nxa ungumyanga, uNkulunkulu uthi nginguNkulunkulu wakho esitsho ukuthi uzakupha konke okufunayo empilweni yakho, kawusweli lutho. Nguyenalunkulunkulu owananga izighidhi ezinathathu zabantu bakwaisraeli ukudla nsuku zonke okweminyaka engamatshumi amane. Bana leqiniso elokuthi uNkulunkulu lo uzakupha ukudla nsuku zonke. Nxa ugula, uthi yimi ukupola kwakho ahle akupolise. Uthi nxa angathi nginguNkulunkulu wakho,

utsho ukuthi uzaba nguye okupolisayo kumikhuhlane yonke lezifo zonke (Eksodo 15:26), uphile olempilakahle enhle impiloyakho yonke. Nxa ulezikwheledhi, yenuNkulunkulu nguye ozaletsa isimanga sokwesula ngaso isikwheledhi leso .

Kusukela namhla, ungavhumeli umoya wokwesaba ukuthi uphambanise impilo yakho. Kulamazwi akhulunywayo nguNkulunkulu kudhala awokuthi uzakuba nguNkulunkulu wami. Ngakho ke ulondolozwe, ugciniwe, ngegama lika Jesu!

AMAZWI ESIPROFETHI

Ngiyala ukuba lomoya wokwesaba ngoba uNkulunkulu kazange angiphe umoya wokwesaba, kodwa owamandla uthando lengqondo ezihlalisekileyo. Ngenelisa ukwenza konke kuKristu ongipha amandla

AMAVHESI OKUBALA

UEksodo 15:26

**Marko 11:24**

Ngakho ngithi kini; "Konke elikukhulekelayo, lelucucelayo", lizakuba lakho

Nxa kuhona okufunayo kuNkulunkulu, yena uthi cale kuye ukuthi ukuthole. Ngakho kumele izibone sutholile okuce;lileyo, laba ungakakubambi ezandleni zakho kumbe ukuubona. Ungenzenje kucina sokubuyile kuwe. Ngitshulkuthi ungacela kholwa ukuthi usutholile okadhe ukukhulekela kubuye kuwe!

UNkulunkulu katshu kuthi "lingisela engazathi sukutholile, ungalingisela ukuyakuthola." Lokhu kakusikho mdlalo hatshi, uNkulunkulu uthi sibize izinto ezingekho engazathi zikhona ukuze sizithole (kwabaseRoma 4:17). Kakhunani ukuthi uswelani namhla, ingabe yimpilakahle, loba imali, khuluma ngokuphiwa kwakho izinto lezi nguNkulunkulu

lu wamukela ngenjabulo! Konke okufunayo, kumele kubuye uvhela elizweni esingalibonoyo ngamehlo enyama, ekuqaliseni ukuze sizithole kuleli lizwe. Bona inotho yakho khathesi, njalo ubone lokupoliswa kwakho ngegama likaJesu.

AMAZWI ESIPROFETHI

Ngiyabonga ukuthi ngizathola ukupoliswa kwami namhla ngegama lika Jesu Impilakahle yasezulwini lilifa lami.Haleluyah

AMAVHESI OKUBALA

KwabaseRoma 4:17

ONLINE MINISTRY ACADEMY

WITH PROPHET UEBERT ANGEL (MAJOR)
& PROPHET SHEPHERD BUSHIRI (MAJOR)

LEARN THE **SECRETS** OF SUCCESSFUL MINISTRY

PART 1

PART 2



REGISTER AT WWW.MINISTRYACADEMY.ORG



Fully Accredited by
Transworld Accreditation
Commission



OSBORN INSTITUTE
of
THEOLOGY

ONLINE THEOLOGY SCHOOL

Get your Certificate or
Diploma qualification
in Christian Theology

**ENROL
NOW**

www.osborninstitute.com

**UEksodusi 13:21**

INkosi yahamba phambi kwabo emini ngensika yeyezi ukubahola endleleni, lasebusuku ngensika yomlilo. Uku-bakhanyisela ukuze bahambe emini lebusuku

Ngesihathi lapho abantwana bakal-sraeli babezula bese nkangal, uNkulunkulu waebalondolozile ngensika yeyezi emini lensika yomlilo ebusuku.

Emini uNkulunkulu waefaka insika yeyezi ukuthi ibasithe ibanike umthunzi ukuze bangatshiswa lilanga elalitshisa kakhulu enkangala bekuhambo lokuya kwele Canaan.

Namhla nguwe osithwe nguNkulunkulu, ngoba asoze avhumele ukuthi uwiselwe phansi (AmaHubo 121:3-8), kavhumeli njalo ukuthi utshiswe emini kumbe ukulwiswa yisitha U Isaya 54:14).

Kawuwedhwa, kungenani lokuthi uhlangane lohlu pho olunganani empilweni yakho. Ungalahli temba kumbe ukukholwa kwakho. uNkulunkulu yakuthanda kakhulu.

AMAZWI ESIPROFETHI

Impilo yami icatshiswe kuKristu, njalo iNkosi yami iya phambi kwami sikhathi sonke. Kangiseyiso sigcili sika Satani lama dhimoni akhe, ngoba ophakathi kwami umkhulu ukwedlula osemhlabeni. Haleluyah!

AMAVHESI OKUBALA

Ulsaya 54:14

**KwabaseFiliphi 4:7**

Ukuthula kukaNkulunkulu okwedlula ukuqedisisa konke kuzakulondolozela inhliziyu zenu lemicabang o yenu kuKristu Jesu.

Nxa inngqondo lemicabango yakho kungagcwala lobuhle lobukhulu bothando luka Nkulunkulu uzabona usiba lokuthula lokuhlaliseka okumangalisayo kakhulu empilweni yakho. Ukuhlaliseka lokuthula okunje kwenza ukuthi unqobe inxe yiluphi udubo oyabe uhlangane lalo empilweni yakho.

Uthando ndawonye lokuhlaliseka okunje yikho okwakulo Dhavhidhi senegene kunkampa yabalweli bakaisraeli, ababehlala besesaba lokubalekela uGoliyathi isitha sabo. Abalweli baka Israeli kabazwisisanga ukuthi kuyini okwakusenza ukuthi uDhavhidhi angesabi, ephambili kwengozi engaka eyain-

gu Goliyathi.

Uphakathi wesivhungu vhungu sokuswelimali, uyakhwanisa ukuthi inqondo zakho zicelese, ucabange phezu kwezinto ezinhle ozenzelwayo nguNkulunkulu langokuthi nguyeye onika konke olakho, ubusubona izinto zonke zilungiseka. Udhokothela angakutshela ukuthi impilakahle yakho kaimanga kuhle, ukuthula lokuhlaliseka kukaNkulunkulu okuyabe kuphakathi kwakho, kwenza ukuthi uqhubekele phambili uqinile ekukholweni kwakho.

AMAZWI ESIPROFETHI

Namhla ngikhettha ukuqhubekela phambili ngikhangele kumqhalisi lomphelelesi wokukholwa kwami ngoba ngiyakhwazi ukuthi kuNkulunkulu kakula okwahlulayo

AMAVHESI OKUBALA

Izaga 4:23

**KwabaseRoma 8:17**

Uba singabantwana siyizindlalifa futhi, izindlalifa zika Nkulunkulu lezindlalifa Kanye loKristu ubaphela sihlupheka Kanye laye ukuze sidhunyiswe Kanye laye.

Abantu abanengi bayadhubeka kulezi nsuku besenza imisebenzi etshiyeneo bezama ukuziphilisa. Kodwa ungananzelela uzabona ukuthi ilizwi lethu namhla lithi amakholwa zindlalifa yelifa likaNkulunkulu ndawonye lo Jesu Kristu.

Ulelifa wena kuKristu onguye umnikazi welizwe lonke lakho konke okuphakathi kwalo.k Uyisizukulwane sikaAbrahama ngokuolwa njalo inotho lenhlala kahle yakho ku Kristu Leli yilo iqiniso elingela ophikisayo. IBhaibheli lithi kuma Hubo 24:1, "Umhlaba ungowe Nkosi, Kanye lakho konke okukuwo." Ilizwe ngelakho wena. Njalo ngifuna ukuthi ukholwe

engikutshela khona lokhu, uzabonna kusenzakala empilweni yakho njengokutsho lokucabanga ngahleli yilo ilifa owaliphwayo kuKristu. Haleluyah!

AMAZWI ESIPROFETHI

Impilo yami ifihlwe ku Kristu. Izinto zonke ngezami. Ngingumntswana kaNkulunkulu, izinto zonke ngezami. Ngingumntswana weNkosi, ukunotha lokuhlala kuhle lilifa lami ngegama likaJesu. Haleluyah!

AMAVHESI OKUBALA

AmaHubo 24:1



1 KwabaseKorinte 3:21

Ngahoe akungabi khona ozingcoma ngabantu, ngoba zonke izinto zinge zenu

Khuluma njengo Dhavhidhi, uthi “UJehovha ungumalusi wami kangiyikuswela” Ungaphiseleki ngitsho ngesinye isikhathi empilweni yakho yonke. Yala ukuzidlingqondo phezu kwalokhu okungakuwela, kube yikuhlala kwakho sikhathi sonke. Ungaphiseleka kakuntshintshi lutho empilweni yakho. Qhubekela phambili uthandaza kuNkulunkulu ukuthi akubusise umtshela konke okukuhluphayo lokufunayo empilweni yakho. Ungenzenje uzamangala ngamathuba awezinto ezinhle azaqalisa ukukuvhulekela Kanye lezinto ezinhle eziza qalisa ukuza kuwe ngenxa yezibusiso zikaNkulunulu ezizakwehlela. Haleluyah!

AMAZWI ESIPROFETHI

Ngiyambongu Nkulunkulu ngoba wenza ukuthi into yonke engiyenzayo ngezandla zami iphumelele ngegama likaJesu. Amazwi ami alamandla okusuphuna lokuhlanyela. Ngibusisekile kakhulu njalo okumangali-sayo. Izinto zonke ngezami.

AMAVHESI OKUBALA

KwabaseFiliphi 4:6; UMathewu 6:34

**UMalachi 3:11**

ngizalikhuzela izibunguuuzi zingadli izithelo zomhlaba wenu lama enu emasimini kawayikuuphutha ukuthela utsho Inkosi u Jehovah Inkosi yamabndla

Nxa singafuna ukukhuluma ngokwento olayo so mthakaNkulunkulu, aa kulaphesibona khona uJehovha ezigxatsha ngawe lalokhu akuphayo khona. UNkulunkulu ulesifiso esokuthi uthole izibusiso zonke akupha zona uhlele ulazo. Kule bala elithiwa tsaba ngesiiHebheru, elitsho abantu abanengi kakhulu abahlanganayo okwesikhathi esidhe belungiselela impi. Ngifuna ukuthi ube kwazi ukuthi uNkulunkulu wakho sowalungiselela impi kudhala eyokulwisa konke ukungafuna uikucindezela impilo yakho kumbe ukukuntshontshela imali yakho. Yikho ebizwa ethiwa nguJehovha wama bandla. Ingelosi zisem-

sebenzi khathesi so, owokubona ukuthi inotho yakho isezandleni zakho. Lezi yizo indaba ezimnandi esizitshumayelayo. Nxa suthole isambulelo kausoze uswele imali insuku zonke zokuphila kwakho konke Haleluyah! Namhla izithunywa zikhona ukuthi zenze umsebenzi oyabe uzithume wona, zilungisisa indawo zonke zempilo yakho lakho onke okugobileyo empilweni yakho. Inotho yakho sibuyile manje ngegama likaJesu!

AMAZWI ESIPROFETHI

UJehovha ungumalusi wami , isitha kasisoze sibambe futhi inxe lulutho lwami, Inotho lilifa lami ngegama lika Jesu.

AMAVHESI OKUBALA

AmaHebheru 1:14; AmaHebheru 12:22



Kwabase Filiphi 2:10

Ukuze kuthi ebizweni lia Jesu amadolo wonke aguqe awabasezulwini lawa-basemhlabeni labawabangaphansi komhlaba

Uyabona nxa ibhaibheli lingathi ukuthi ebizweni likaJesu amadholo onke aguqe yikulingisela okwenzakalayo ngesiGiriki, laphokulomthetho othi kumele kwenzakale into enje kungela phutha. Ukuzwa kuphela ukuthi Jesu phansi komthetho lo, amadholo akonke kumele aguqe kungela kuphikisana lakho.

Lawe ubizwa ngebizo leli eligqakath-ekileyo kangaka, ulamandla phansi komthetho lo okusebenzisa ibizo lika Jesu ukuthi uhulume okufunayo empilweni kusenzakala. Ngebizo lika Jesu, isifo semvukuzane kasikhothame, ngebizo lika Jesu ubuyanga kabuphele empilweni yakho. Inxe yiluphi udubo

ongalufuniyo empilweni yakho ebizweni lika Jesu. Bathandekayo sesehlula ingqobi. Ukunqotshwa kakukho empilweni yakho ngenxa eyokuthi ungumnthwana kaNkulunkulu.

Kakunani ukuthi uSatani wenzeni empilweni yakho kusukela namhla uyingqobi ngebizo lika Jesu. Ungavhumeli isistha ukuthi sikhulume ilizwi lakucina empilweni yakho, ngoba uNkulunkulu ulawe, njalo sowangqoba kudhala.

AMAZWI ESIPROFETHI

Sengithethe isikhundla sami emhulini yami ngegama lika Jesu. Kakula sikhali engasilungiselelwayo yisitha esiphumelelayo phezu kwempilo yami. Ngizaphila, kangisoze ngife ukuze ngifakaze ngokukhanya ku-kaNkulunkulu.

AMAVHESI OKUBALA

KwabaseRoma 8:37

**ULuka 9:62**

Kodwa uJesu wathi kuye “Kakho othi sebeke isandla sakhe ekhubeni akhangele emuva ofanele umusa kaNkulunkulu

Izinto ezifuna ukuphambanisa owakudhalelwa nguNkulunkulu ukuthi ube yikho kuwonalumhlaba, zinengi njalo zibuya ngendlela ezitshiyeneyo. Kwesinye isikhathi kuba lezihlobo labangani abakuphambanisayo, bezama ukukumisa ukwenza oyabe ukuthunyiwe nguNkulunkulu, befuna ukkhuthu wenze okutshiyeneyo.

Ngiyakukhuthaza namhla ukuthi uqubekele phambili ngesifiso sakho esombuso wezulu, ungavhumeli inxe yilutho olunjani ukuthi luphambanise ekuphumeleleni kwakho kundaba zelizwi lika Nkulunkulu. Qhubekela usiya phambili ngazo indaba ezimnandi zika

Tixo, uphumelele emsebenzini wakhe lombuso wezulu.

AMAZWI ESIPROFETHI

Ngiyala uuphazamiswa emsebenzini wami aNkulunkulu ngoba ngilesifiso esokuphumelela kulokhu engikwenzayo embusweni kaNkulunkulu. Mina ngiygcwalisisa inthando kaNkulunkulu phezu kwempilo yami, njalo amandla ngiwathola kuye uNkulunkulu.Haleluyah!

AMAVHESI OKUBALA

AmaHebheru 12:1-4; UJoshuwa 1:7

**UJohane 13:35**

Bonke bazakwazi ukuthi lingabafundi bami nxa lilothando phakathi kwenu

Ngiyamangalla kakhulu ukuthi phakathi kwakonke okutshengiselayo ukuthi umuntu ulikholwa, uNkulunkulu wakhetha ukuthi kutshengiselwe uthando. UNkulunkulu uthi umuntu olikholwa ngumuntu olothando. Kazange athi ikholwa kumele libe lamandla okuxotsha amadhimoni, kumbe ukwenelisa ukuzila okokudla okwensuku ezingamatshumi amane, hatshi. Wathi sizakhwazi ukuthi lingamakholwa eqiniso nxa lingatshengiselana uthando phakathi kwenu. Ngakhoke qiniseka ukuba lothando olupheleleyo kwabanye kusukela namhla

IBhaibheli lithi uthando lukaNkulunkulu siluphiwa nguMoya Ongcwele phakathi wenhliziyo zethu. Silalo uthando

do lolu egazini lethu, sidhalwa silalo njengabantwana bakaNkulunkulu.

Nxa ulothando lukaNkulunkulu enhlizwiyeni yakho kakula okuphambanisekayo empilweni yakho. Uyabe uhlala usemoyeni nsuku zonke nxa ulothando lolu. Namhla khetha ukutshiyana lokuxabana labanye utshiyane lesikhwili, uvhumele amandla kaNkulunkulu ukuthi asebenze kuwe okupheleleyo. Uthando luka Nkulunkulu lolu yilo olusitshiyanisayo labantu bomhlaba.

AMAZWI ESIPROFETHI

Mina ngiyisikhali sothando luka Nkulunkulu njalo ngiqubekela phambili ngiguqula laphengihlala khona ngokutshengisela abangogombolezeleyo uthando lukaNkulunkulu oluphakathi kwami ngemisebenzi engiyenzayo.

AMAVHESI OKUBALA

wabaseRoma 5:5

**UJohane 10:10**

Isela liyeza kuphela ukweba lokubulala lokubhubhisa, mina ngize ukuba lithole ukuphila kugcwale kuphuphume

Inkosi uJesu wabuya ukuzaqhedha konke okwenziwa nguSatani ezama ukubhidliza injabulo esemhulini yakho. Kulizwi lethu lanamhla sibona iNkosi uJesu ebuya ukuzosipha impilo. Kulebala lesi Griski elithiwa Zoe elitsho, ukuba lempilo efana lekaNkulunkulu. Kutsho ukuthi nxa uNkulunulu engaguli, lawe uzaphila impilo yakho yonke ungagulu, nxa engasweli imali, kawusoze lawe uswele imali, nxa engayisuye muyanga lawe awusoze ube ngumyanga. Usulempilo kaNkulunkulu phaathi kwakho, kakula okukhwanisa ukukuwisela phansi. Yizo indaba ezimnandi esizitshumayelayo thina Haleluya!

Yazi ukuthi ulempilo kaNkulunulu phakathi kwakho kusukela namhla. Uyingqobi eyangqoba ezinye, njalo kakukho okwahlulayo kuwe. Konke ngokwakho. Kakula Satani okhwanisu kukuphazamisa okuqoqayo.

AMAZWI ESIPROFETHI

Ngakhululwa emandleni omnyama njalo impilo yami icatshisiwe kuKristu. Impilo kaNkulunkulu engilayo ilezithelo ezibonakalayo. Haleluyah!

AMAVHESI OKUBALA

2 UPetro 1:4



2 KwabaseKorinte 6:16

Ngoba thina silithepeli lika Nkulunkulu ophilayo, njengokutsho kwakhe ukuthi; "Ngizakuhlala labo ngihambe phambi kwabo, ngiza kuba ngNkulunkulu wabo bona babe ngabantu bami

Kulizwi lethu lanamhla ngifuna ukuthi unanzelele amazwi athi " ngizahlala kubo". Uzabona ukuthi ngamanye amazwi asitshengisayo ukuthi uNkulunkulu uhlala phakathi kwethu. Kodwa kaisikho kodwa akuthembisayo, uthi njalo "ngihambe phambi kwabo". Ilizwi lesiGiriki elitsho ukuhamba lithiwa emperipateō,

Okutsho ukuya bona indawo ukuthi iminjani, igcinakele yini lokuthi kakukho okungaphazamisa okwenzakalayo kuleyo ndawo.

Uyabona, uMoya Ongcwele okuwe nguye onanzelelayo konke oku-

mayelana lempilo yakho ekulungisisa ukuthi kuhambelane lenthando kaNkulunkulu ngawe, Nxa kukhona okufunokulungisiswa, kungumsebenzi kaMoyongcwele ukwenza lokhu. UMoya Ongcwele uyakhwenza, yikho ebhaibhili kubhalwe ukuthi, "Uba uMoya walowo owavusa uJesu kwabafileyo ehlala kini, yena owavhusa uKristu Jesu kwabafileyo, uzakuphilisa lemizimba yenu efayo, ngomoya wakhe ohlala kini" (KwabaseRoma 8:11).

Hlalusazi ukuthi uMoya Ongcwele ohlala phakathi kwakho nguye oyenza ukuthi unqobe inkinga zonke zika Satani kuwonalumhlaba. Haleluyah!

AMAZWI ESIPROFETHI

Sengisazi iqhiniso elokuthi uMoya Ongcwele uhlala phakathi kwami esenza ukuthi ngingqobe sihathi sonke ngegama likaJesu.

AMAVHESI OKUBALA

KwabaseRoma 8:11


UEBERTANGEL
FOUNDATION

**TO DONATE TO THE
UEBERTANGEL FOUNDATION
BECOME A PARTNER WITH
THE GOODNEWS WORLD**

visit

www.uebertangel.org/partner





**Imisebenzi 20:32**

Ngakhoke sengilinikeza ku Nkulunulu laselizwini umusa wakhe elilomandla okulakha lokulabela ilifa phakathi kwabo bonke abamahlukanisiweyo

Wakwezwa yini umutsho othi uyilokhu okudlayo na? Ungadla ukudla okungakhiyo umzimba, uyacaka. Okudhansiyo yikuthi kulamaKristu adlayo kathathu ngelanga nxa kugcinwa umzimba wenyama, kodwa nxa sokudliwa ukudla komoya, badla kanye ngelanga, njalo besidla okulutshwene ungasizi lutho. Kodwa bayabe befisa ukuthi imefumlo yabo ikhule, bakhule kwezomoya. Lokhu kubangelwa yikungaqakathekisi kwabo ilizwi lika Nkulunkulu empilweni zabo. Ngicela ubale kuhle ilizwi lethu lanamhla. Uzabona ukuthi ibhaibheli liyavheza ukuthi ilizwi lika Nkulunkulu lilamandla okuthuthukisa

sa impilo yakho. Kaisilo bhuku lenganekwana hatshi, kumbe elembali. Lilizwi lika Nkulunkulu eliletha impilo, njalo liyasebenza.

Impilo oyiphilayo khathesi ihambelana lelizwi likaNkulunkulu elisempilweni yakho. Funda ilizwi lika Nkulunkulu, uziphakamise empilweni yakho ngokuhlalubala ilizwi lakhe. Libale nsuku zonke ubone ukuthuthukiswa ozakwenzwa nguNkulunkulu, ekususa kwesinye isigaba sokukhanya ekusa kwesinye.

AMAZWI ESIPROFETHI

Ngikhettha ukuthuthukiswa empilweni yami lilizwi lika Nkulunkulu ngokulibala ngilandela eliyabe likutsho kimi. Ngizahlala ngilikhumbula njalo, okokuthi impilo yami izaguquka kuphela ngisiswa phezulu.

AMAVHESI OKUBALA

AmaHeberu 4:12

**1 UTimoti 1:12**

Ngiyambonga owanginika amandla uKristu Lesu inKosi yethu ngoba wangibona ngithembekile, wangimisa enkonzweni yakhe

Ngiyambonga uKristu Jesu Inkosi yethu owangithembayo wangenza ukuthi ngibe ngumtshumayeli welizwi lakhe. Umsebenzi lo, sungenze ngahlangana labantu abanengi kakhulu emazweni atshiyeneyo kuwonalumhlaba, abangibuzayo ukuthi bona Unkulunkulu ufuna ukuthi bamenzeleni embusweni wakhe. Impendulo engibapha yona itholakala kuvhesi lethu lanamhla. Impilo yakho njengomKristu ngeyokuthi ufakaze iqiniso eliselizweni lika Nkulunkulu lokutshumayela ivhangeli lakhe (2 wabaseKorinte 3:6). Isibonakaliso sokuthi ulomoya Ongcwele osebenzayo phakathi kwakho, yikukhwanisa kwaho ukuphendula abantu ukuthi ba-

suke emandleni omnyama babuye kuJesu. Uzabona ukuthi sikhathi sonke, laphokwakusamukela khona abantu uMoya Ongcwele, abafundi babetshumayela lokufundisa ilizwi lika Nkulunkulu, ngesibindi, lamandla okwakubangela ukuthi abantu baphenduke batshiye izono zabo. Lapha ngizakupha umzekeliso kaPetro owatshumayela ilizwi lika Nkulunkulu waphendula inkulungwane zabantu ngelanga elilodwa. IBhaibheli liithi laba, "Bemukela ilizwi ngenthokoza babhabhatizwa ngelanga elilodwa, bengezelela kwabazinkulungwane ezinathathu." (Imisebenzi 2:41). UKristu walandukuzaphendula umuntu wonke kuwonalumhlaba, ukuthi babengabantwana baa Nkulunkulu. Sokungumlandu wakho lowami ukuthi siqubekele, sitshumayele ilizwi elihle lokukhululwa kwabantu, endaweni ezitshiyeneyo zelizwe, besiza kumbuso kaNkulunkulu.

AMAZWI ESIPROFETHI

Ngenziwa ngaba ngumtshumayeli welizwi likaNkulunkulu. Njalo umsebenzi wami ngowokutshela abantu abanengi ngokwendaba ezimnandi ezomusa wakhe. Sengiphiwe amandla okutshumayela ilizwi leli, kusukela namhla uJesu aze aphenduke Amen.

AMAVHESI OKUBALA

imisebenzi 2:24; KwabaseKorinte 3:6; UMarko 16:15



2 Kwabase Korinte 4:13

Umbhalo uthi ngakholwa ngakhoke ngakhuluma, Lathi ngalokhu siyakholwa ngakho siya khuluma

Thina njengamakholwa saphiwa amandla okunqoba enkosini yethu uKristu Jesu. Ukukholwa kwethu sikuvheza ngamazwi esiwakhulumayo, amahle asekela esikukholwa kikho. Sikhuluma ngokulunga, ngokuphumelela lokunqoba kwethu kuphela hatshi okunye. Umapostoli uPawuli uchaza amazwi esiwakhulumayo njengamakholwa esithi yikuhlakanipha kuka Nkulunkulu, ngoba sifakaza ngokuhlakanipha kwakhe kulabo abangakasindiswa. Kasifakazi ngokuhlakanipha kwabantu belizweni kodwa ngokuhlakanipha kukaNkulunkulu kulabo abangakasindiswa " (1 Kwabase Korinte 2:6-7). Ngiyaxayisa ukuthi ukhulume amazwi okukholwa sikhathi sonke lokuthi ungatholakali up-

hakathi kwalabo abachothozayo uhulumende welizwe lakho, kumbe abasola umumo wenotho yelizweni lakho. Amazwi akho kabe ngamazwi alungileyo sikhathi sonke, akhuluma ngokwendlela zokulungisisa ngazo okuhluphayo elizweni, abengamazwi alothando, ukuhlaliseka lenhlalakahle yabantu. Ungenzenje uyabe sufundise abantu ngendlela enhle eyokuthi baphile impilo zabo njani.

AMAZWI ESIPROFETHI

Ngiyagcizelela ukuthi mina ngiyangqoba nsuku zonke. Ngiyingqobi njalo nginothile. Ngiyaphumelela kukho konke engikwenzayo. Ngiyisihlahla esihlanyelwe ngasemifuleni yamanzi, esithela isithelo saso ngesikhathi saso. Ngiyakubonga baba owenza ukuthi impi.o yami ibenhle njengalokhu

AMAVHESI OKUBALA

1 Kwabase Korinte 2:6-7; UMarko 11:22-23



1 Kwabase Korinte 1:9

**Ukulunkulu uthembekile owalibizela
ekuhlanganyeleni leNdodana yakhe
uJesu Kristu iNkosi yethu.**

Ukuthi ubizwe ukuthi uhlanganyele le Nkosi uJesu Kristu, uyabusuthenjwa njengaye, ususebenzelana leNkosi uJesu, liphakamisa izifiso zakhe, lindawonye. Ungananzelela uyabona ukuthi ilizwi elithi ukuhlanganyelana litsho ukwenza izinto limanyene. NgesiGriki kule bala elithiwa koinonia, elitsho ukumanyaniswa okuqhinileyo. Ngifuna ukuthi ube kwazi kusukela namhla ukuthi ungumuntu oqakathekileyo. Uyindla lifa ndawonye leNkosi yomhlaba wonke uJesu Kristu (Kwabase Roma 8:17). Uyingxenywe yomzimba wakhe, inyama yenyama yakhe, lethambo lethambo lakhe (Kwabase Efeso 5:30), okutsho ukuthi kakula lapho ngahamba wedwa khona usenza lutho

uwedwa. Uphakathi kwakhe yena uphakathi kwakho esenza konke okwenza ukuthi unqobe sikhathi sonke. Lokhu yikho okubangela ukuthi umApostoli omkhulu athi, "siphilimpilo yasezulwini sindawonye laye;" sizihlobo enkosini (2 UPetro 1:4).

AMAZWI ESIPROFETHI

Ngilobuhlobo basezulwini loNkulunkulu, Ngiphila impilo yami ngingqoba sikhathi sonke, ngimnqobuSathani lamadhimoni ahe ngegama likaJesusu!.

AMAVHESI OKUBALA

2 UPetro 1:4; KwabaseRoma 8:17; KwabaseEfeso 5:30



1 Kwabase Korinte 15:57

Kodwa kabongwe uNkulunkulu osinika ukunqoba ngeNkosi yethu uJesu.

Udhumu lonke kaluye kuNkulunkulu. Haleluya! Uyakubona yini lawe engikubonayo?. Ivhesi lethu namhla lichaza ngokunqoba kwethu okuvhele kukhona kuKristu. Ngakhoke ungethuselwa ngitsho yibubi obenzaalayo kulezi nsuku, lokudhubeka okwenza abantu, lobumnyama osobugcwele emazweni atshiyeneyo kulezi nsuku. Wena thatha isihundla sakho uholise impilo youngqoba kuKristu. Umphefumlo wakho kumele wazi iqiniso elokuthi wavhela wazalwa uyingqobi. Uuphumelela ukhona enhlizweyeni yakho udhala. Ungavhumeli muntu kumbe inmxo into eyabe iyenzakele kkuwe ukuthi ku-dhabule inhliziyo yakho. INkosi uJesu waenza wabayingqobi kumingcele owauyifakelwe laphezu kwendubneko

ezinengi ohlangana lazo empilweni yakho.

Ku 2 KwabaseKorinte 2:14 sibona uthando luka Nkulunkulu phezu kwempilo zabathandekileyo bakhe ukuthi siphile, lokuhlala siinqoba sikhathi sonke, kungaze ubenjani. Ilizwi lika Nkulunkulu lithi, "Kodwa kabongwe uNkulunkulu osinika ukunqoba ngeNkosi yethu uJesu."

AMAZWI ESIPROFETHI

Ngiyabusa lokunqoba kukho konke engikwenzayo empilweni yami. Ukunqoba kusemoyeni wami. . Ngihlala ngiphumelela, ngingqoba, ngilokulunga, ngilenhlalakahle. UKristu uphakathi kwami okokuthi inkazimulo yakhe, ukuhlonitshwa kwakhe, lobuhle bakhe kukhona empilweni yami.

AMAVHESI OKUBALA

1 UJohane 5:4; 2 Kwabase Korinte 2:14

**2 Timoti 1:7**

Ngoba UNkulunkulu kasinikanga umoya wobugwala kodwa wasinika umoya wamandla lowothando lowokuzithintha.

Kusukela namhla kumele ufundele ukuhlala uvhumelana lalokhu okutshiwo lilizwi lika likaNkulunkulu phezu kwempilo yakho, sikhathi sonke. Elizwini lethu namhla ibhaibheli lisitshela ukuthi uNkulunkulu kasiphanga umoya wokwesaba, kodwa owamandla lenqondo ezihlalisekileyo. Kakuhambelani lesimo sethu njengamakristu ukuthi sesabe inxe yinto eyabe isivele. Singesaba kuphela kuyabe sokuphikisana lalokhu okufunwayo ngumbuso wezulu ngathi. Kakula lutho kuwonalumhlaba kumbe idhimoni elenelisa ukukutshabalalisa ophakathi kwakho umkhulu. Kungani ngisitsho lokhu? Ludaba olwathenjwayo nguJesu kuLuka 10:19) akukhio

oungakulimaza. Utsho ukuthi akulalutho olwalungiswayo olulamandla okuulimaza. Bangaze babe ngabantu kumbe amadhimoni abafileyo kumbe abaphilayo kabakukwanisi wena ngoba sowanqoba kudhala! Okutsho ukuthi kaubambeki! Kakukho okubi okuzakuwela kumbe ukusondela dhuzani lawe! Ugciniwe , wacatshiswa kuminyama lenhlupho ezitholakalayo empilweni. Ngakhoke ziqenye, uzithande, uhambe usukumisi khanda lakho, wale ukwesaba.

AMAZWI ESIPROFETHI

Ngihlala nginqoba sikhathi sonke ngoba ngilamandla. Kangivhumi ukwehluleka inxe yiliphi ilanga nkoba ophakathi wami umhulu ukwedlula oselizweni.

AMAVHESI OKUBALA

1 UJohane 4:4; ULuka 10:19; Ulsaya 54:17

**KwabaseRoma 8:6**

Ukunakana ngokwabantu nuyikufa odwa ukunaaka ngoMoya kuiyiluphila lokuthula.

Nxa ibhaibheli likhuluma ngemicabango yenyama, kalitsho ukucabanga ngenyama kuphela, kodwa lokucabanga ngenqondo. Lokhu kubangela ukwenziwa kwesono, zinqondo zodwa lokuzwisa okwenyameni njalo umuntu ocabanga njenga lokhu uyenelisa ukuba ngumKristu. Impilo yomuntu onje ikhokhelwa zinqondo zakhe lokuhlakanipha kwakhe, izinto zakhe zonke zingekho ezandleni zika Nkulunkulu, engalinalazi njalo ilizwi likaNkulunkulu. Ngiyakukhuthaza ukuthi Ukhokhelwe ngumoya ogcwele, lokubuswa ngamazwi kaNkulunkulu sikhathi sonke. Yala ukulibaziswa yilizwe, kumbe ngamandla akho. Qhubi zinto zika moya ogcwele, ube ngumuntu okhuthalela

izinto zikaKristu levhangelali lakhe eliletha impilo engapheliyo, esayilethelwa ngu Kristu. Ngakhoke yenza ukuthi ilizwi lika Nkulunkulu likhokhele konke okumayelana lempilo yakho, likuphe imicabango, amanyathelo okuthatha empilweni lakho konke okwenzayo nsuku zonke.

AMAZWI ESIPROFETHI

Mina ngazalwa kutsha njalo ngigcwele ngoMoya Ongcwele okhokhelayo konke engikwenzayo empilweni. Ngilempilo kaKristu phakathi kwami, ingqondo lezenzo zami kukhokhelwa ngu moya ongcwele. Konke okuqakatheileyo mayelana lempilo yami kusezandleni zika Moya Ongcwele. Haleluyah!

AMAVHESI OKUBALA

1 UJohane 2:15-17; VaRoma 12:2; VaKorose 3:1-2

**AmaHebheru 4:12**

Ngoba ilizwi lika Nkulunkulu liyaphila lilamandla libukhali kulomhedha osika inxa zombili, lihlaba kuze kwahlukane umphefumlo lo moya amalunga lomkhontsho lamacebo enhlizweni.

Ilizwi lika Nkulunkulu liqakatheile, lilamandla okusebenza enhlizweni yakho, engqondweni zakho, lasenyameni yakho. Ilizwi lethu namhla litshengisa ukuthi laphosebenzisa Khona ilizwi lika Nkulunkulu ukuthi uqinise umoya wakho, lilomunye umsebenzi eliyabe liwenzaza, elokuguqula umzimba wakho, lokulungisa okuyabe kusenzakala kuwe.

Njangalokhu okwenzakalayo nxa usidla, okokuthi ekuqaliseni kuqala kuqotshwe kube kuncinyani, ubusu ginyake, kungene emzimbeni wakho. IBhaibheli lithi "nanzelela lezi zinto uzikhuthalele ukuze bonke babone ukuqubeka

kwakho" (1 Timotiuyini kanti omelet uhuthelele kikho? Lilizwi lika Nkulunkulu! Ngakhoke khetha namhla ukuhlala ucabanga phezu kwelizwi lika Nkulunkulu.

Bana lesikhathi sokubala ilizwi lika Nkulunkulu ucabanga ngalo. Uzabona impilo yahoo iguqhuka isibanhle.

AMAZWI ESIPROFETHI

Kusukela namhla ngikhethe ukuphila impilo yokungqoba ngisebenzisa ilizwi lika Nkulunkulu. Ngingumenzi welizwi lika Nkulunkulu njalo laphengithatha khona isikhathi sami ngicabanga ngokwelizwi leli, ngiyakhula ngegama lika Jesu. Haleluyah!

AMAVHESI OKUBALA

1 Timoti 4:15



1 UJohane 1:9

Uba sivuma izono zethu uthembekile yena ulungile futhi ngakhoke uzasi thethelela izono zethu asihlambulule kukho konke ukungalungi

Ngifuna ukuthi wazi kusukela namhla ukuthi lokhu okuthi yikuvuma izono zakho phambi kuka Nkulunkulu ayisikho kuvhumi zono emehlweni akhe.

Abantu abanengi bacabanga ukuthi ivhesi leli litsho ukuthi ungaphammmbanisa uphela umele uvume izono zakho kuNkulunkulu. Lokhu ayisikho okusengqondweni zikaNkulunkulu nxa esithi vumi zono zakho. Kule bala lesiGriki elithiwa homologeo, elitsho okufana lokukhulunywayo nguNkulunkulu nxa esithi vumizono zakho. Ungananzelela uzabonukuthi uNkulunkulu kukhona akukhulumayo ngodaba lolu njalo uthini? Wathi izono zakho zonke owazen-

zayo lalezozazenza sezathethelelwa, wakwenzela umusa ngenxa yezeno zakho zonke, njalo asakhumbuli ngazo.

Ungazwisisa udaba lolu, oukhulunywe ekucineni kwevhesi lethu namhla kusekela okwenziwa nguNkulunkulu. NguNkulunkulu olomusa, othelelayo izono zethu lousigeza kuzo. Uyathethelelwa njalo wakhululwa ebubini bakho bonke Haleluyah!

AMAZWI ESIPROFETHI

Mina ngathethelelwa izono zami zonke nguNkulunkulu , angisiso soni. Ngyikulunga kukaNkulunkulu kuKristu Haleluyah!

AMAVHESI OKUBALA

AmaHeberu 10:10-14; 2wabaseKorinte 5:17, 21



KwabaseEfesu 1:3

Kabongwe uNkulunkulu uyise weNkosi yethu uJesu Kristu osibusisileyo kuKristu ngesibusiso sonke sokomoya ezulwini

Okwenzakalayo emabandleni amanengi awezokholo, kulezi nsuku kakuhambelani lalokhu okufunwa lilizwi likaNkulunkulu. Umabandla la, kutshunyayelwa ngalohu okuzatholwa ngabantu, okuzenziwa nguNkulunkulu okufunukwenzakala kumbe osusen-zakala lokuthi abantu bazatholani. Udubo bentshumayeli ezinje ngolokuthi kwenzengazathi uNkulunkulu azange evhele enze lutho. Nanzelela ukuthi ivhesi lethu namhla kalitsho ukuthi uNkulunkulu uzasibusisa hatshi. Kutshukuthi uNkulunkulu wasibusisa kudhala, ngakhoke kausela sizatho sokucela njalo kuye ukuthi asibusise. Osokumele ukuthi ukwenze yikuthatha izibusiso lezi, njalo uyazithola izibusiso lezi ngendlela

owathola ngayo insindiso, okuyikukhuluma ngomlomo wakho, uvhume enhlizyweni yakho ukuthi sokusenzakele, ube yikho. Unanzelele njalo ukuthi kakula lutho olwenzaalayo empilweni yakho nxa ungazange ukhulume ngowakho umlomo. Ngakhoke huluma ufakaze ngomlomo waho ukuthi ubusisekile ubone izinto seziguqhuka zisiba zihle empilweni yakho.

AMAZWI ESIPROFETHI

UNkulunkulu sowangipha kudhala yonke into efunakalayo empilweni yami, ukuthi ngiphile impilo yaphezulu engiyifunayo. Ngilempilakahle enhle, ngiyaphumelela kukho konke engiwenzayo, lasendabeni zemali. Konke kungihambela kuhle. Laphengizathandaza hona ngendimi ngiyavhuselela izibusiso zikaNkulunkulu ezise mpilweni yami.

AMAVHESI OKUBALA

Ulsaya 55:10-11; 1 KwabaseKorinte 3:21; 2 UPetro 1:3



SPIRIT EMBASSY
TheGoodNewsChurch[®]

WITH UEBERT AND BEBE ANGEL

WWW.UEBERTANGEL.ORG | WWW.GOODNEWSWORLD.COM



TheGoodNewsWorld Helplines

USA: +1 (240) 781-6942

UK: +44 333 344 8612

RSA: +27 (51) 004-0209

www.goodnewsworld.com